

孚

惠

全

書

平惠全書卷十六

高陽獨後五

乾隆十二年二月初九日奉

上諭豫省地丁錢糧今歲係輸免之年其耗羨舊欠等項俱予停緩俟次年補徵惟該省有額徵漕銀兩支給運軍行月錢糧例不蠲免但此項銀兩通省按畝徵收皆時零小數小民難以輸將且豫省去歲亦有被災之處朕所軫念著照耗羨等銀之例將該省隨漕銀一十一萬八千餘兩緩至戊辰年補徵再歸德府屬有徵解江南船料銀兩亦係按畝徵收事同一例亦著緩至來年徵納其本項應用銀兩該撫酌量借撥該部即遵諭行

七月初一日奉

上諭據山東巡撫阿里衮奏稱濟南府屬之歷城
章邱泰安府屬之萊蕪沂州府屬之蘭山郯城東
昌府屬之臨清州衛並濟寧州低窪沿河村舍有
被水之處其東昌府屬之聊城堂邑莘縣夏津臨
清館陶東昌衛青州府屬之益都濰州府屬之陽
穀滕縣等處被雹現已委員會同地方官確勘果
否成災取具分數冊結詳報倒塌廬舍給資修葺并
淹斃人口資助掩埋捐傷秋禾酌給籽種及時補
種等語東昌被水被雹州縣並前報被水之魚臺
長清共二十州縣衛即使不致成災窮黎殊可憫
惻著該撫加意撫恤務令得所其災戶應徵新舊

錢糧俱若緩徵俟查明後照例辦理以紓民困

十五日奉

上諭前據山東巡撫何里奏稱歷城等二十縣
衝被水被雹朕已諭令緩徵今據情報濟南府屬
之德州陵縣德州衛泰安府屬之泰安肥城東平
州東阿平陰武定府屬之青城利津霑化兗州府
屬之滋陽曲阜寧陽鄒縣金鄉濟寧衛嘉祥汶上
壽張並東平寧陽所曹州府屬之荷澤鉅野鄆城
單縣城武沂州府屬之費縣東昌府屬之博平清
平高唐恩縣青州府屬之博興高苑樂安等三十
四州縣衛所六月下旬大雨時行山水漲發沿山
傍水窪下鄉村一時宣洩不及晚穀未免損傷等

語雖屬偏災而被水窮黎深可憫惻著該撫加意
撫恤所有應徵新舊錢糧概緩徵收以紓民力查
明後應行辦理之處照例作速辦理務令得所

二十一日奉

上諭今歲浙江被水各縣朕已降旨分別撫卹其
淳安壽昌遂安等處受災較重該省本年錢糧俱
已蠲免而漕項尚應徵收若照例令其完納民情
未免拮据著加恩將被水傷重地方應徵本年漕
項俱行緩徵以紓民力至此等災民交冬之際如
有衣食更覺艱難之處并令該撫查明辦理量加
賑卹以資接濟

九月初六日奉

上諭本年七月十四日蘇松等處梓被風潮而崇
明一邑被災為尤重朕前據安寧奏報深為憫惻
即降旨諭令加意撫卹並截留漕米以備接濟又
令大學士高斌留南查辦月餘以來憂心未嘗稍
釋今據安寧查報崇明一邑坍塌房屋漂沒人
民甚多似此非常之災朕覽奏傍徨軫惻寢食為
之不寧唯有速籌補救庶災黎得獲安全現據安
寧奏報已撥運倉穀二十萬餘石並弛海口之禁
俾商販流通米價不致甚貴則米糧一項似可無
虞唯是房屋坍塌災民無棲身之所况轉瞬即屆
嚴冬應速行給資修葺並於常例之外量為加增
俾得從容措辦至於來春播種關係甚重亟應借

給籽種及時耕作亦令該督撫董率有司豫行經理又思崇邑被災既重縱使賑卹多方恐元氣不能驟復所有該縣應徵明年地丁錢糧持沛珠恩全行豁免至本年未完地丁以及折徵漕項并歷年帶徵緩徵銀兩概予停緩其綠旗兵丁朕已加恩一體查卹但念伊等廬舍人口同被災傷雖經安輯未免拮据若再加恩各賞給一月錢糧以資用度至寶山鎮洋各處被災次於崇明輕重不等其應如何賑恤加恩之處著大學士高斌會同該督撫悉心酌議無拘常例妥協辦理務使凋瘵復蘇登災黎於衽席以副朕夙夜焦勞休揚靡寧之意該部即遵諭速行

御製江南湖災數

有序
丁卯

乾隆丁卯七月望蘇松雁海湖之志崇明而匪
為最重連延數州縣漂室廬溺老幼不可勝計
督撫奏報賑救之策亦既殫力竭心而下詔蠲
稅截漕更復多方籌畫然遠顧羣黎憾憾不能
去諸懷夫六幕不調洪波示警伊維之咎歟爰
效杜甫同谷作歌之體為江南湖災數用示督
撫諸臣兼以自訟云爾

江南古來稱澤國十歲九澇患不息集議為謀疏
浚方補救惟應盡人力湖災數十歲一遇不尤不
後於茲值嗚呼一歌兮歌始辭遙遙南望興嗟咨
有奏有奏自南來七月望日湖為災天網濔濔洪

濟湧氣壓百川為倒迴縱有禹也應束手肯為魚
矣惟增哀嗚呼二歌兮歌再陳披奏到今常感平
蘇松郡邑濱大海川民乏那堪遇凋瘵一夕風濤
多沒淪南匪崇明首稱最去歲淮揚河志重胡乃
災傷一時會嗚呼三歌兮歌放言波臣何處為招
魂

彼時開道多東風赤龍奮怒長蛟洪龜鼉蠓蝮罔借
勢雄磨牙礪爪思腹充萬間茅屋如捲蓬須臾化
作馮夷宮嗚呼四歌兮歌四叠傷哉吾民命輕葉
民命輕如葉可傷昏夜走避無向方巨浪連山風
更鼓滾滾汨汨雨屑涼屋廬淙蕩全家沒其稍幸
者乃有孤兒孀婦哭其傍嗚呼五歌兮歌未闌下

必眼見涕洟

元者已矣生堪憫驚魂繞定沉酸引強奪弱餐祇
為飢母牽于隼非由患此時破屋已無依轉眼
來更寒倉嗚呼六教兮教將已不為空言徒罪已
誰云穀災無善策盡一分心一分益截漕蠲稅租
示禁調劑詳善技臣職倉儲庫帑莫吝慳墨吏
胥或侵索嗚呼七教兮教消終吾言有盡心何窮
二十五日奉

上諭江南鳳潁泗三屬頻年被災所有借給籽種
口糧銀米曾經降旨將乾隆六七兩年借項於丙
寅戊辰二年分還乾隆十年借項於己巳庚午二
年分還但上年該處復被偏災今歲又值蠲免停

續之年若於戊辰年全行催輸民力未免拮据若
加恩將從前分年帶徵之項分作戊辰己巳庚午
三年按限徵運八九兩年借項亦於此三年內帶
納其十一年出借之項若緩至辛未年催徵該督
撫等務須轉飭屬員妥協辦理以副朕體恤災黎
之意該部遵諭速行

十月十九日奉

上諭安徽宿虹等處秋禾被水成災業經加恩賑
恤其漕項銀米例應照常徵納但思該地方積穀
之餘民間元氣未復輸將未免拮据所有宿州靈
璧虹縣并宿州一衛應徵漕項銀米俱著暫緩徵
收俟來秋補徵搭運其未完節年漕項亦著停緩

照例分年帶徵以紓民力該部即遵諭行

二十二日奉

上諭甘肅之皋蘭金縣靖遠安定會寧五縣本年均被旱災且連歲歉收舊欠不少若一并徵輸民力未免拮据著將歷年未完額徵銀糧自乾隆戊辰年起分作五年帶徵其狄道隴西安化真寧寧州靜寧禮縣七州縣收成亦各有數薄其歷年欠項一時完納雖艱著將此七州縣歷年未完額徵銀糧自乾隆戊辰年起分作四年帶徵以紓民力

十二月二十二日奉

上諭山東省明歲係輸免錢糧之年所有乾隆十二年未完地丁銀兩應於奏銷前按欠催徵朕思

本年齊河等各州縣被災地故應完錢糧已照例
蠲緩其勘不成災及不被災之處與災地毗連者
收獲未能豐裕歲內完納錢糧已屬竭蹶若明歲
奏銷以前再令完納未免拮据著將應徵未完錢
糧於奉到諭旨之日加恩停緩展至己巳年照例
帶徵以紓民力

乾隆十三年二月十七日奉

上諭上年甘肅蘭州等府屬有被早成災之處已
加恩賑恤俾災黎不致失所惟是本年地丁銀兩
例於二月間徵朕念入春以來現在加賑去奉秋
尚遠其應納額銀即於此時徵輸小民未免拮据
著將蘭州等府屬之皋蘭金縣狄道靖遠安定會

寧隴西通渭西固廳鹽茶廳平番中街靈州十三處被災地方所有本年應納錢糧緩至秋成後再行徵收以紓民力該部遵諭速行

三月初八日奉

上諭上年直屬天津靜海文安大城霸州永清武清河間任邱南皮青縣滄州慶雲寶坻津軍等十五州縣廳被水成災業已加展賑期多方撫卹目下間徵已屆恐貧民尚不免拮据所有各該州縣廳應輸本年錢糧除未被水村莊仍令照例輸納其被災及現在加賑之處俱著加恩緩至麥熟後開徵以紓民力該部即遵諭行

二十一日奉

上諭直隸天津河間二府屬有疊被偏災之處已屢次加恩頻年蠲賑俾小民不致支所但年來因災停緩之地糧并民借等項未完甚多有數倍於額賦者若一時並徵民力未免拮据著將天津河間二府屬所有乾隆十年以前停緩帶徵地糧銀兩及乾隆十二年以前民借各項令該督查明再履年限分晰帶徵至慶雲一縣上齊民貧屢被災數朕已恩加格外減去額賦借給牛種期以漸蘇民困其歷年積欠更多應較他處再加寬展俾催科不擾元氣盡復以裕閭閻生計著該督一并確查分別年限奏明辦理該部即遵諭行

四月初五日奉

上諭據山東巡撫阿里衮奏稱東省被水州縣成災地畝應徵漕糧業經題請分別緩帶其未被災地畝糧石例應催完納惟兗州府屬之滋陽滕縣寧陽縣三處因不成災地畝俱與災地毗連收成較薄一時完納不前應請緩至本年秋後徵輸等語滋陽等三縣被水收成民食艱難朕巡行時所親見而深悉者著加恩將此三縣無論成災不成災地畝乾隆十二年應徵未完漕糧全行寬免以蘇民困該部即遵諭速行

二十三日奉

上諭江南崇明一邑上年猝被湖災已降旨將乾隆十三年地丁錢糧全行豁免其隨徵耗羨及應

徵之蘆課皇莊籽粒銀兩不在蠲免之例但念該處大侵之後實非尋常估據可比著加恩一并豁免俾民力得以稍紓該部即遵諭行

五月二十二日奉

上諭河南歸德府屬之永城鹿邑夏邑三縣九年之中六被水災雖屢經蠲賑而錢糧積欠甚多難以按期完納是以十二年十月內曾經降旨將永城鹿邑夏邑三縣乾隆十年分未完帶徵銀兩蠲至戊辰年徵收其乾隆十一年未完帶徵銀兩蠲至乙巳年間徵令屆戊辰之年理應徵乾隆十年帶徵銀兩但該三縣尚有乾隆十年水災案內未完帶徵錢糧及司庫歸補銀兩乾隆十一年水災

案內未完帶徵司庫借項及乾隆十二年耗羨等銀兩為數甚多且有本年應徵正賦若俱於今年奏後新舊並徵恐民間元氣未復力有難支朕心深為矜念著將永慶夏三縣民欠乾隆十年十一年水災案內未完帶徵錢糧及借領司庫耗羨等銀共一十七萬四千有零俟己巳年徵完乾隆四六七三年舊欠之後於庚午起分作三年帶徵其歸德府所屬之商邱柘城二縣亦經連被水災現有民欠乾隆十年十一年地丁借領等銀兩俱應開徵誠恐小民以一年之所入而完數年之通賦不免拮据著將該二縣所有借領司庫銀兩及本年正賦先行徵收其未完乾隆十年十一年地丁

銀兩俟來歲己巳年起亦分作三年帶徵庶俾民力寬紓該部即遵諭行

六月初十日奉

上諭陝西西安同州鳳翔乾州等府州所屬低田尚屬有收高阜之地因雨澤未透收成較薄定例應俟秋穫時確勘分數辦理但朕念秦民一年生計全仗夏收而收等被災處所又係上年歉收之地今歲遇閏秋收為期尚遠民食艱難深可軫念著將耀州臨潼渭南涇陽三原咸陽興平高陵富平醴泉大荔朝邑郃陽澄城韓城蒲城白水鳳翔扶風乾州永壽武功等二十二州縣夏收五分以下之村莊內之貧窮民或予撫卹一月口糧折給

銀兩俾得接濟被災里分本年應徵地丁奉石緩
俟秋熟後徵收其權州等十六州縣被災里分內
十二年分緩徵地丁糧石尾欠及興平鳳翔扶風
乾州武功等州縣被災里分內十二年分未完地
丁糧石尾欠一并緩至己巳年帶徵完納庶災黎
既資接濟復免拮据以待秋成該部即傳諭該督
撫速行妥辦用慰朕勤恤民隱之念

二十五日奉

上諭山東今歲除善免錢糧之年耗羨亦已緩徵
閭閻可以無擾惟是該省有漕倉項下錢糧共銀
十七萬五千餘兩例無豁免亦不緩徵但念此項
錢糧必須核派細數按戶摘徵則是當此與民休

息之年仍未免嗷呼之擾况該省當積穀之餘尤宜加意培養著將前項漕倉等錢糧十七萬五千餘兩除已徵外其餘概緩至己巳年開徵輸納至本年應需解支各款著於司庫別項銀內酌量借動俟來年徵解歸款該部即遵諭行

閏七月二十九日奉

上諭據黃廷桂奏稱哈密蔡湖回屯地畝本年因渠水缺乏夏田被旱補種秋禾又復缺雨并稱回民自種田畝亦均被旱傷雖收成與否尚難豫定將來終屬歉薄等語哈密回屯地畝既被旱傷其原借籽種糧石著緩至來歲秋後徵收至回民自種地畝向無因災議撫之例但哈密遠在邊徼此

種回民夏秋田禾疊被旱傷未免口糧拮据著於
哈密倉貯糧內常借口糧糜麥二千五百石交貝
子玉素富揮回民中之乏食者分散借給以資秋
冬餬口此項借給口糧同本年原借出陳易折糧
石統俟己巳年秋後分作二年帶徵

八月二十五日奉

上諭河南開歸陳汝許五府州屬之通許等二十
八州縣有自乾隆七年以後至十二年民欠未完
常平社穀共二十三萬一千餘石例應於本年秋
成後本息並徵但念此二十八州縣連年被災民
多艱窘今歲雖幸獲有收而元氣尚須培養若將
此項穀石本息一時並徵民力未免拮据著將本

穀於秋後按數徵收其息數加恩緩至次年帶徵以紓民力該部即遵諭行

十月初一日奉

上諭朕前因山東今歲係普免錢糧之年耗羨亦已緩徵欲使閭閻無擾特將例不緩徵之漕倉項下錢糧十七萬五千餘兩緩至己巳年開徵輸納乃漕倉項內尚有臨德二倉項下本色米麥足銜地屯糧等款共銀七萬八千四百餘兩從前該撫查造冊籍之時遺漏未及又本年帶徵十一十二兩年漕項銀三萬七千餘兩年分雖殊款項則一亦未入於緩徵之內朕思東省積歉之後亟應與民休息漕倉既已緩徵前項遺漏銀兩豈可因其

未經查造仍復徵輸以滋擾累著將遺漏未報二
項漕倉項下銀十一萬五千餘兩概行蠲至己巳
年一律開徵俾無互異該部即遵諭行

初八日奉

上諭據那蘇圖奏直屬地方今歲收成豐稔惟是
幅員遼濶如宣化府屬之西寧蔚州蔚縣三州縣
內間有雨暘不能應時及偶被微雹之處俱勘明
被災不及五分其新舊錢糧例應蠲至來年麥熟
後徵收等語宣屬係積穀之區且地方寒冷播種
秋麥者甚少若僅緩至來歲麥熟後徵收輸將未
免拮据著將西寧蔚州蔚縣三州縣被災不及五
分之各村莊應徵新舊錢糧借穀俱加恩緩至來

年秋成後徵收俾民力寬紓示朕體卹邊民之意
該部即遵諭行

十八日奉

上諭江蘇從前被災地方所貸籽種牛草等項銀
米節經該督撫題明分年緩帶今秋既獲豐登自
應按限催徵但朕念該處連歲歉收帶徵之項遮
年積累為數孔多若應徵銀米并集一時小民既
須措辦本年正供及積欠地漕銀兩又應交運帶
徵之項恐力有拮据著加恩將淮安府屬之山陽
阜寧清河桃源安東大河淮安二衛徐州府屬之
銅山沛縣邳州睢寧揚州府屬之寶應海州並所
屬之沐陽諸榆自乾隆五年起至乾隆十三年末

完行種牛草米麥等項共三十九萬餘石統於己巳年麥熟後起限分作四年帶徵其太倉州屬之崇明縣上年潮災頗重本年二麥復被雹傷情形亦與他邑不同所有乾隆十二年並本年借給籽種口糧亦寬予二年之限於來歲麥熟後起徵如此則民力既得寬舒災區元氣漸復該部即遵諭速行

十一月初八日奉

上諭山東今歲應徵之因災出借各穀七十六萬餘石春借穀四十六萬餘石又本年帶徵之穀十數萬石及麥本籽種漕倉項下應徵積欠錢糧爲數甚多一時銀穀並徵即屬太豐以一年而完積

年之欠民力未免拮据著加恩於今歲歲底截數
所有未完穀石內將春借一項於明年春熟後徵
收一半秋成徵收一半留其餘力以輸該年正供
其歷年因災出借之常監等穀概寬至庚午年起
分作五年帶徵俾民力舒徐完納以示優恤窮黎
之意該部即遵諭速行

二十五日奉

上諭安徽從前被災地方所貸籽種牛草等項銀
米節經該督撫題明分年緩帶今秋既獲豐登自
應按限催徵但朕念該處連歲歉收帶徵之項遞
年積累為數孔多若應徵銀米并集一時小民既
須措辦本年正供又應交運帶徵欠項恐力有拮

據著加恩將鳳陽府屬之宿州鳳陽臨淮懷遠虹
縣鳳臺靈璧潁州府屬之阜陽潁上霍邱亳州蒙
城太和泗州並所屬之盱眙及宿州泗州鳳中長
淮四衛未完乾隆十年以前所借之籽種口糧銀
米等項共十九萬八千餘覓至乾隆己巳年奉
後起限仍照原限分作三年帶徵又鳳陽府屬之
宿州鳳陽臨淮懷遠虹縣鳳臺靈璧潁州府屬之
霍邱亳州蒙城太和泗州屬之盱眙泗州長淮二
衛未完乾隆十一年所借之籽種口糧銀米共三
萬七千餘照原降諭旨遞緩一年從完再鳳陽府
屬之宿州懷遠虹縣靈璧定遠滁州屬之來安并
宿州衛未完乾隆十二年所借之籽種口糧及定

遠一縣未完乾隆四年借項共一萬八千餘寬至
己巳年冬熟後起限分作二年帶徵如此則民力
既得寬舒災區元氣漸復該部即遵諭速行

乾隆十四年正月初三日奉

上諭東省連歲歉收朕心深為屢念多方賑恤加
意培養上年雖獲有秋而元氣尚難遽復著加恩
將該省自乾隆六年至十二年舊欠銀一百九十
二萬一千六百餘兩統於庚午起分作五年帶徵
庶輸將稍易小民得以寬舒該部即遵諭行知該
撫飭屬通行曉諭實力奉行無致胥役作弊滋擾
以副朕軫念窮黎之意

二月初六日奉

上諭山東積款之從上年甫慶有秋民力未能充
裕朕已降旨將該省應徵民欠內因災出借並參
本行種漕倉各項錢糧分別緩帶所有自乾隆六
年至十三年未完之籽糧收費奉本等銀除應歸
各年款徵運外尚有十三年應徵銀八萬二千五
百餘兩並自乾隆五年至十三年未完商社各款
除挨年帶完各歸年款徵運外尚有十三年應徵
稅十一萬四千五百餘石俱著加恩自今歲秋收
起分作三年帶徵以紓民力該撫務飭所屬有司
通行曉諭俾閭閻均霑膏惠以副朕休養阜成至
意該部即遵諭速行

二十日奉

上諭據黃廷桂奏稱上江所屬之合肥壽州鳳臺
鳳陽貴池懷遠靈璧虹縣滁州全椒和州泗州五
河臨淮盱眙鳳陽衛長淮衛十七州縣衛俱各被
水其臨河窪下之處秋成未免失望等語今歲各
路豐稔該處雖屬偏災但被水貧民不無拮据所
有應完新舊錢糧著加恩緩至明年麥熟後開徵
以紓民力該部即遵諭速行

十月初十日奉

上諭今歲各省大概豐收惟安徽省之壽州鳳陽
臨淮泗州鳳臺懷遠五河霍邱八州縣並坐落之
鳳陽鳳中長淮泗州等四衛原係積歉之區而本
年六七月間大雨疊降被災稍重未免向隅再宿

州虹縣靈壁三州縣及宿州衛被災雖輕民力不
無信據應加恩將漕米漕項分別蠲緩以紓民力
著將壽州等八州縣及坐落之鳳陽等四衛按成
災分數照例蠲免其蠲剩銀米著於次年帶徵搭
運再宿州等三州縣及宿州衛亦一并緩徵俟至
次年完納以昭朕軫恤民依之意該部即遵諭速
行

十一月初一日奉

上諭據甘肅巡撫鄂昌奏稱甘州府屬之張掖縣
暨東樂堡縣丞分駐地方涼州府屬之鎮番平番
二縣寧夏府屬之寧夏寧朔中街三縣直隸肅州
並所屬之高臺縣秋收俱僅五分以上寄屬歉薄

等語收成五分以上則不蠲免錢糧但該省土瘠
民貧偶值歉收民力不無拮据宜量加體恤若將
張掖東樂鎮番平番寧夏寧朔中衛肅州高臺等
州縣堡屬本年未完正賦及帶徵各年正借錢糧
暫予緩徵俟明歲麥熟後照例催納該部即遵諭
速行

孚惠全書卷十七

偏隅蠲緩六

乾隆十五年正月初九日奉

上諭據甘肅巡撫鄂昌奏稱肅州并山丹縣地方收成數薄從前州縣有匿災未報查勘不實之弊已飛飭委署寧夏道楊澗候補知州許登第逐一查明借給口糧等語甘省遠處邊陲地瘠民貧非他省可比鄂昌於奏報賑務情形甚屬踴躍著飭行其肅州被災地方已降旨緩徵外山丹縣被災之處所有本年未完正賦及帶徵各年未完正借錢糧概予緩徵以紓民困并作何資助之處該撫卽速查明分別借賑一面奏聞一面辦理副朕軫

念邊氓至意該部即遵諭速行

六月十六日奉

上諭據直隸總督方觀承奏稱新城縣屬之東雙鋪頭高橋等十九村雄縣屬之四柳莊等十一村俱因清河水漲淹及民田目今水已涸出正可補種莊麥應查明無力貧戶酌借籽種以資力作其永清之王居等村霸州之堂二鋪等村武清之王慶坨等村皆附近永定河因各壩減水過多引河不能容納致有淹浸其貧民無力補種者懇准與一例查明酌借籽種照例於來年免息還倉等語今歲河水盛漲居民田畝被淹朕心深為軫念此時即經補種亦係雜糧僅資鋤口所有借給籽種

若加恩膏給不必運倉該督方觀承速行查辦務
令被水災黎均霽膏惠無致失所

九月十七日奉

上諭據陝甘總督尹繼善等摺奏陝西通省秋禾
秀齊現在漸次登場所有附近西安一帶高原旱
地前雨未徧後雨過時收成不無歉薄但細察民
情目前鋤口有資無須濫行報災惟是應徵錢糧
若仍照常催徵民力不無拮据等語著照所請將
陝西西安府屬之咸寧長安臨潼醴泉涇陽咸陽
三原高陵興平富平耀州並乾州高州山陽商南
等十五州縣被旱村莊數地故本年應完新舊
地丁等糧及本色折色並各項尾欠加恩緩至明

年麥熟後徵收以紓民力至來春青黃不接時仍令該督等悉心體察有再應加恩酌借接濟之處即著據實奏聞妥協籌辦毋使小民或致失所

十一月十三日奉

上諭山東蘭山郟城二邑今秋被災稍重其勘明成災處所已照例分別蠲緩加恩賑恤至勘不成災之處雖云有收充屬數薄若加恩將該二邑毗連災區之數收地畝所有應徵折舊錢糧米穀等項俱令緩至次年春後徵收以紓民力該部即遵諭行

十八日奉

上諭今歲大同朔平所屬州縣內有數收之處雖

係六分以上與緩徵之例不符但該處俱係邊郡
若新舊並徵輸將未免拮据著加恩將大同府屬
之人同懷仁靈邱廣靈渾源應州山陰天鎮陽高
及朔平府屬之馬邑等州縣應徵舊欠錢糧米豆
暫緩至明年春熟後徵收一半其餘一半至秋後
徵完以紓民力該部即遵諭行

十二月初七日奉

上諭據湖北巡撫唐紹祖摺奏安陸府屬沔陽天
門二州縣乾隆十二年分借給貧民穀九千餘石
原應於次年催徵全完因該州縣十三年接連
被災未經徵輸其天門一縣又有上年借借穀二
千餘石今歲甫得有收若一時並徵未免拮据等

語著將沔陽天門二州縣所有原借贖借穀石再加恩准其分限二年於本年及來歲秋成後陸續按數還倉以紓民力該部即遵諭行

乾隆十六年二月二十四日奉

上諭江蘇之淮徐等屬上年秋禾被水已經加恩蠲賑所有餘剩應徵漕米麥豆等項緩至今冬帶徵但念該地上年被水稍重即使今歲秋成豐稔而災較之餘民氣正宜培養若今新舊並輸小民生計難免拮据著將淮安府屬之清河桃源安東大河衛徐州府屬之邳州宿遷睢寧直隸海州并所屬之沐陽等處八州縣一併本年應行帶完乾隆十五年災蠲餘剩漕項米麥豆石俱分作三年

帶徵以紓民力該部卽遵諭行

五月十四日奉

上諭據直隸總督方觀承奏稱霸州等處上年勸不成災及徵收各村莊所有借給籽種口糧例應按期催追運倉但現在各處麥收雖屬可期而米穀無出民力不無拮据等語著照所請將霸州涿州寶坻薊州豐潤清苑雄縣祁州容城河間完縣肅寧任邱天津青縣靜海定州曲陽宣化懷安萬全蔚縣等二十二州縣內從前借給各村莊米穀無論加息免息俱緩至本年秋成後照數完交以紓民力該部遵諭速行

閏五月初四日奉

上諭上年浙省溫台各屬內有偶被偏災之處業經照例蠲賑其蠲剩漕項銀米已令緩至本年春熟後徵收今該處春間雨水稍多麥收較薄現在減糶加賑以資接濟所有此項蠲剩銀米若仍照舊催徵小民未免艱於輸納著加恩緩至本年秋收及壬申年麥熟後分作兩年帶徵以紓民力該部遵諭速行

十六日奉

上諭據署長蘆鹽政高恒楨奏東省永阜等場今年海潮漫溢灘鹽被淹況值奏銷屆期正雜課項均應催徵全完實難措辦等語著將山東乾隆十六年春夏二季正課緩至壬申起分限二年帶徵

以紓商力該部遵諭速行

二十七日奉

上諭前據福建總督咨爾吉善巡撫潘思渠奏板汀州府屬之寧化清流二縣溪河異漲深浸及鄉城已經降旨令該督撫等將應行撫卹事宜卽速查辦今思二縣被災情形頗重所有應徵新舊錢糧暫行徵收其被災各戶分別極貧次貧酌量撫卹該督撫督率屬員實力查辦俾災黎均需實惠毋致一人失所該部遵諭速行

二十九日奉

上諭山東蘭山郟城一帶上年被災頗重今歲朕經臨時留心體察地方情形卽不及他處後經該

撫奏報麥收分數亦稍遜於隣郡雖從前屢加賑卹而民力初蘇之際卽將緩徵之項照例催輸小民未免竭蹶著加恩將上年蘭山鄆城二縣被災案內蠲至今年徵收之新舊錢糧米穀及蠲剩各款概緩於明歲春熟後起徵以紓民力該部卽遵諭行

七月十五日奉

上諭浙東各府雨澤未遍未稼歉收該撫永青稟疏題報者五十餘州縣銜前已降旨令該撫一切撫綏無令吏所但該省今年被災較重若但照夏月被災之例賑給籽本恐不足以資接濟著加恩將各屬勘實成災之地概照秋災定例分別極貧

次甯就其成災分數均予按月加賑口糧所有應徵各項銀米亦照定例分別蠲緩以紓民力該撫董率屬員悉心查勘一面辦理一面奏聞務使窮民得霑膏惠

八月初五日奉

上諭今歲豫省河內等州縣河漲被淹雖據該撫照例撫卹但念該州縣屬併遭異漲被災稍重窮民生計尚多拮据著將被水之河內武陟陽武封邱祥符延津滑縣所有漕項銀米加恩緩至明年秋成徵收其中午儀封鄭州榮澤溫縣陳留陽武封邱蘭陽虞城河內武陟原武等十三州縣灘地糧銀亦著緩至明年麥熟後徵收以紓民力該撫

董率屬員實力妥辦務令窮黎均受膏惠該部遵諭速行

十一日奉

上諭今歲山東被水州縣前據奏報即降旨加意賑卹撫綏所有本年應徵漕項定例不准停緩但念該省被災情形與豫省相同且從前積數之餘元氣未復朕心深為軫念特行格外加恩著該撫鄂容安詳查被災最重州縣若閭閻有拮据情形其如何緩徵之處速行奏聞請旨該部即遵諭行

十月二十日奉

上諭今歲豫東二省被水地方稍為廣潤曾經降旨將豫東之河內等州縣應徵漕項加恩緩徵其

東省被災州縣應徵漕項並令該撫酌量查辦今據該撫鄂容安請將災重之東平等州縣漕糧漕項一併分別緩徵漕糧關係天庾正供自不便與漕項銀米禁行停緩但念被災窮民辦漕未免拮据且該處收成較薄若留此米石俾其流通於民間市備自可不致昂貴於閭閻口食甚屬有益若再加恩將東省之東平等二十州縣及豫省之河內等七州縣本年應徵漕糧一併緩至來年秋成徵收以紓民力至東省之濮州等七州縣被災既屬較重雖經照例給賑而明春青黃不接之時亦宜豫籌接濟著該撫鄂容安查明極次貧戶屆期酌量分別加賑以示朕軫恤災黎之意該部遵諭

連行

二十三日奉

上諭朕前降旨將甘省乾隆元年至十年舊欠錢糧概與豁免復令將乾隆十一年至十四年未完銀糧分作五年帶徵俾得從容輸納以恤邊氓惟是甘省各屬舊欠錢糧之外尚有額徵草束一項不在蠲緩之例歷年既欠積欠已多若令其按年一併完納未免拮据著將甘省乾隆元年至十四年未完草一千五百萬餘束分作十年帶徵以紓民力該部即遵諭行

十一月初十日奉

上諭四川雅州府從前撥運小關子地方木石有

積存軍米准給天全州蘆山縣二處里民豫借定
限兩年內還繳米價以歸帑項今歲蘆山縣收成
稍薄若於正賦之外照天全州之例一體並徵閭
閻未免拮据若將蘆山縣未完餘欠米價加恩緩
至明年徵收以紓民力該部即遵諭行

十二月二十五日奉

上諭東省今歲偶被偏災所有應行賑卹事宜已
加恩分別辦理此內之濮州東平東阿壽張荷澤
范縣濟寧鉅野金鄉平陰等十州縣收成較為數
薄小民辦賦維艱若將本年應徵額賦銀三萬餘
兩帶徵節年舊欠銀二萬三千餘兩一體緩至明
年麥熟後完納以紓民力該部即遵諭行

乾隆十七年二月初一日奉

上諭十五年盛京所屬遼陽等七城借給旗人倉糧若同應交地糧全行一時交納不無少有拮据著施恩將十年借給旗人米石於今年起展三年陸續還交該部即遵諭行

六月二十七日奉

上諭河南陽武封邱祥符延津滑縣等五縣上年河水漫溢秋禾成災業經節次加恩賑卹所有未完乾隆十六年分錢糧均應於本年徵收除祥符一縣前次特恩全行豁免外所有陽武延津滑四縣上年錢糧著加恩緩至本年秋後開徵其陽武延三縣被災較重所有應徵本年錢糧亦著加恩緩

至次年春後開徵以紓民力該部遵諭速行

十月十五日奉

上諭山西蒲解等屬秋禾被旱業經照例賑卹其
災地內原未補種秋禾麥地及附近災地得雨稍
遲之處應由釋賦定例不在蠲緩之列仍應按限
輸將貧民未免拮据著加恩將永濟等十一州縣
蠲緩餘剩留種麥地錢糧及平陸河津稷山絳州
等四州縣本年下剩未完民賦一併緩至來歲麥
熟後徵收以紓民力其平陸等四州縣應行徵半
運倉之春借常年義社各糧亦著加恩全行緩至
來歲秋收後徵收俾民食得以寬裕該部遵諭速
行

十一月初六日奉

上諭上年豫省陽武河工漫溢陽武封邱祥符延津四縣均被偏災所有應借麥種銀數應於本年秋後徵還但念災地甫經翻種收成尚歉且本年仍有應徵帶徵之項一時併徵未免民力拮据若將陽武封邱祥符延津四縣災民所借籽種銀數俱緩至明年麥後開徵以紓民力該部即遵諭行

二十三日奉

上諭江蘇淮徐海三屬屢被偏災今歲雖獲豐收而積歉之餘民氣未復所有本年地丁漕米已多全數通完其歷年被災停緩漕米若概令完納未免拮据著加恩將乾隆十五年以前緩欠漕米分

作癸酉甲戌二年帶徵以紓民力該部遵諭速行
二十六日奉

上諭使者今年被旱偏災屢經降旨令該督撫等
加意撫恤其勸不成災及與災境毗連州縣應從
銀糧雖定例不准蠲緩而該處收成完屢歉薄小
民既謀食用復効輸將未免拮据著加恩將韓城
麟遊南鄭西鄉城固褒城沔縣洵陽平利三水中
邠洛川宜君華扈興安隴州邠州汧陽鳳縣略陽
石泉長武鎮安雒南等二十四州縣本年未完地
丁銀四萬八千餘兩本色糧米一萬三千餘石緩
至來年春熟後帶徵完納其節年民欠常平社倉
糧石及南鄭一縣未完乾隆十六年屯豆五百餘

石一併緩至冬熟徵還以紓民力該部遵諭速行
十二月十七日奉

上諭直隸開州東明長垣三州縣上年曾被水災
今歲收成亦未豐稔所有節年民借籽種口糧並
麥種銀兩例應於開徵之期照數徵還但念災地
民氣未能驟復一時新舊併徵不無拮据著加恩
將開州東明長垣三州縣上年被水村莊應完乾
隆十六十七兩年所借籽種口糧穀石並十六年
借給麥種銀兩俱緩至來年春秋後照例徵收以
紓民力該部遵諭速行

乾隆十八年二月初八日奉

上諭河南陽武封邱延津武陟等州縣近年被水

偏災屢經降旨加恩賑卹並將乾隆十六十七兩年應徵錢糧分別緩帶今在開徵之年自應照例完納但念該地積數之餘元氣未能驟復若一時新舊並徵閭閻未免拮据若加恩將陽武封邱延津武陟四縣十七年分緩徵錢糧分年帶徵其歷年所有借欠常年倉穀均分作兩年徵收以紓民力該部卽遵諭行

三月初一日奉

上諭豫省今歲雨澤應時春秋可望豐稔但念該省積穀之餘民氣尚未全復所有舊欠倉穀籽種等項若一時並徵閭閻生計未免拮据前已降旨將陽武等縣借欠倉穀分年帶徵著再加恩將祥

符陳留蘭陽鄭州滎澤河陰高邱永城鹿邑夏邑
汲縣新鄉獲嘉淇縣滑縣濬縣上蔡太康等十八
州縣借欠籽種銀兩俱一體分作兩年徵還以紓
民力該部遵諭速行

十六日奉

上諭山西歸化城口外善岱等處各協理通判所
管招民墾種荒熟地畝歷年應徵租糧草折自乾
隆二年至乾隆八年積欠未完銀兩甚多若一時
新舊並徵民力未免拮据且該處情形與內地不
同應加恩分別帶徵著將善岱舊欠自乾隆十八
年起分限二年寬都喬舊欠分限四年和林格爾
舊欠分限五年托克托城舊欠分限八年清水舊

欠分限十年該承追督值各官照依分定年限如
數帶徵俾漸次清完以紓民力該部即遵諭行

十七日奉

上諭據山東巡撫楊應琚奏武定登州曹州等府
今年雨雪調勻麥收可望但各該府屬之利津等
縣俱經被水之後若將卽年拖欠未完之項照常
徵比民力未免艱難等語著將武定府屬之利津
霑化蒲臺海豐四縣登州府屬之蓬萊萊成福山
棲霞四縣及曹州府屬之濮州范縣二州縣應徵
節欠錢石統於本年秋後起限徵收分作兩年完
納以紓民力該部即遵諭行

十月初九日奉

上諭河南陽武封邱延津及武陟等縣疊經被水
民力拮据所有陽武封邱延津三縣本年帶徵倉
穀及應運籽種銀兩並武陟縣民欠未完籽種銀
穀俱著緩至明年麥熟後徵收以紓民力該撫仍
加意撫綏或冬春之交尚須接濟並照例給予籽
種口糧務實力查辦無致失所該部即遵諭行

十一月初八日本

上諭今年山東掖縣濰縣昌邑等屬猝被風潮間
有淹傷處所其應徵欠項若一體徵收民情未免
拮据著將掖濰昌三邑被水各村莊應追舊欠錢
糧借穀俱緩至明年麥熟後徵收以紓民力至昌
邑一縣被傷較重難例不遑賑卹但現今時屆寒

冬窮黎待哺情堪憫惻著該地方官查明實在之
食貧民加恩膏賑一月口糧以示軫恤該部遵諭
速行

乾隆十九年正月十五日奉

上諭山東兗州府屬之滕縣嶧縣魚臺縣濟寧州
沂州府屬之蘭山縣郯城縣東昌府屬之聊城縣
東昌府臨清府等處窪地積水未盡消涸春麥難
以佈種所有貧乏之戶著該撫查明於青黃不接
之時的借口糧以資接濟其節年帶徵及乾隆十
七十八等年應徵地丁等項銀兩若照常值徵未
免估據著一併緩至明年春開徵以紓民力該部即
遵諭行

乾隆二十年九月初五日奉

上諭盧見曾奏本年七月淮屬被水房舍坍塌秋禾淹沒各情形竊丁猝被潮災深堪矜念著卹速查明之食窮丁先行撫恤一月口糧所有修葺修理之費速行查明動給毋致稍有失所其本年竈戶應徵錢糧並著分別蠲緩極貧戶口再行加賑該督撫鹽政率屬審力辦理務俾均霑膏惠至通屬之石港等十場及泰屬之富安等南五場雖被水較重而值此風潮竈戶未免拮据其無力窮丁並著一體賞給一月口糧新舊欠項概緩至來年徵收以紓丁力該部遵諭速行

二十日奉

上諭今年江蘇所屬州縣夏間雨水過多窪地田禾被淹秋後又間有蟲災已屢經降旨令該督撫加意撫恤賑恤並截留漕糧撥運來粵以資接濟但該處現有災傷民力未免拮据現在漕糧將次開徵除遵旨截留外著將災地應徵處所加恩改收折色以紓民力該督撫查明分別被災輕重一面奏聞一面辦理以示軫卹災黎之至意該部遵諭速行

十一月二十六日奉

上諭今年山東州縣間有被災處所業經加恩賑卹其成災地畝民欠錢糧已降旨緩徵惟是毗連災地之村莊雖勸不成災而收成完屬較薄若照

當催徵民力未免拮据若將濟寧蘭山鄒城利津等四州縣毗連災地處所民欠新舊錢糧倉穀及牛具籽種銀兩俱加恩暫行停緩俟明歲麥熟後再行徵收以紓民力該部即遵諭行

十二月十四日奉

上諭本年陝西延安榆林二府屬間有歉收州縣已准該撫等所請照例分別緩徵其榆林府屬之葭州神木府谷三州縣地處沿邊夏秋雨澤愆期收成亦多歉薄若錢糧倉穀照舊催徵未免拮据著加恩將該三州縣本年未完銀糧草束及借欠常社倉糧一體緩至明年秋後徵還以紓民力該部即遵諭行

寧惠全書卷十八

偏陽蠲緩七

乾隆二十一年二月初四日奉

上諭使省延安府屬之靖邊定邊二縣榆林府屬之榆林懷遠葭州神木府谷五州縣上年收成歉薄業經該撫等分別借給口糧銀錢以資接濟第念邊地沙瘠之區當此歉歲所借銀錢若照例於今年秋成後徵還小民生計未免拮据著加恩將此七州縣有業農民所借常社穀石及糶借銀兩均緩至丁丑年徵還以紓民力其無業窮民所借口糧即概行賞給以示朕懷保至意該部即遵諭行

初八日奉

上諭上年浙省杭湖各屬間有被災之處業經加
恩蠲緩其與災地接壤各州縣雖勘不成災收成
完屬數薄現既完納漕糧而地丁錢糧復須按限
催徵民力未免拮据著加恩將杭州府屬之錢塘
海寧餘杭富陽臨安嘉興府屬之嘉興秀水嘉善
海鹽平湖桐鄉石門湖州府屬之孝豐等十三縣
並已報被災之仁和等十三州縣內例不緩徵各
戶所有應徵乾隆二十年分未完地丁錢糧一併
緩至今歲蠶收麥熟後完納以紓民力該部遵諭
速行

四月十六日奉

上諭上年浙省偶被偏災收成較薄所有應徵地丁錢糧業已加恩蠲緩其例不緩徵各戶亦經降旨緩至蠶收麥熟後完納但念該省被災亦重現在米價未平小民生計專賴糶麥以資接濟若新舊並輸則貧黎口食仍恐未免拮据若再加恩將該省緩徵各屬乾隆二十年分地丁錢糧一併緩至本年秋成後開徵俾得從容完納以紓民力該部即遵諭行

五月初八日奉

上諭據喀爾吉善奏杭嘉湖紹等府四月以來雨多晴少窪下之處不無積水麥穗受傷糶事亦甚減畝等語前因該省去秋收成較薄已降旨將乾

隆二十年應徵地丁錢糧緩至本年秋成後開徵
惟是浙省小民生計專賴蠶桑以資接濟今據目
下情形所有本年地丁錢糧若照例按期收納民
力未免拮据著再加恩將該省各屬本年春夏應
徵地丁錢糧一併緩至秋成後開徵以紓民力上
年浙省所屬被災之處與江南接壤者竟與江南
無異周人驥身為巡撫不能熟籌賑卹且有粉飾
諱匿之意朕前之重加處分者原非獨為鄂樂舜
一事正以其同卹民瘼有忝封疆重任耳其江南
上年被災州縣如有應行分別緩至秋成開徵者
著戶部善莊有恭詳細查明據實具奏候朕酌量

降旨

御製命緩徵浙江本年正供詩以紀事有所

總督咨爾吉善奏浙西春雨過多麥熟俱減因
命緩本年應徵賦稅以紓民力並詔江蘇大吏
察上年災重之地一體緩徵以示軫卹

越前連吳根被災人都似吳吏陳備悉越枝茂諱
節叶所以蠲賑惠遂因異倍獲徐察知其然補救
原同視茲聞蠶麥歉甚切飢溺已蠲租及截漕次
第施行矣緩徵違本年例外蘇倉痛繫矩有常經
念此寧忘彼申命詔吳中民瘼虛心揣具有災重
區於越恩一體赦和已愧之極災可更委顯望九
秋登元氣復閭里

七月初一日奉

上諭上平江省成災之地業經發帑賑卹暨將應徵錢糧分別蠲緩次重較輕及勘不成災之各州縣所有新舊應徵銀米亦俱加恩於麥收後催納又念該處災後之餘元氣未復特降旨該督撫等查明再行展緩今據戶繼善等分別查明奏覆朕思現在麥收雖屬豐稔民力猶未充裕著再加恩將阜寧等二十七州縣衛所有本年麥收應徵之新舊地丁漕折各項以及借欠行種口糧等一概緩至九月秋收後開徵以紓民力該部遵諭速行

九月十一日奉

上諭據浙省督撫等奏報本年秋成豐稔其杭嘉

湖紹四府屬上年被災緩徵各戶所有借給新舊
籽本例應徵收歸補但朕思該省災數之後甫獲
有秋若與應完各項錢糧一時兼徵小民未免拮
据著將借給籽本一項加息緩至二十二年春熟
後免息徵還以紓民力該部即遵諭行

二十八日奉

上諭晉省奇嵐州等處因上年收成數薄先從借
出常平倉穀三十三萬二千餘石今歲秋成豐稔
例應徵收還項但念該處承上年歉收之後若與
各項錢糧一時並徵民力不無拮据著將奇嵐州
並嵐縣等十四州縣所有借出常平倉穀分作兩
年徵還以紓民力該部即遵諭行

十月初十日奉

上諭上年江浙地方偶被偏災曾經降旨令將災地漕糧緩至今冬帶徵目下正值啟徵之候該二省秋收雖屬豐稔但民間元氣初復新舊並徵民力不無拮据朕心深為屛念著加恩將上年被災各州縣應行帶徵漕糧緩至明年春熟後開徵其被災最重者分作二年完納該督撫等查明董率收漕各員實心辦理以副朕軫恤閭閻之至意該部即遵諭行

十二月初十日奉

上諭今秋山東兗州等屬被水偏災業已加恩撫卹其勦不成災州縣地丁錢糧仍應照例完納但

念該處毗連災地收成究屬歉薄小民輸將未免拮据著加恩將金鄉魚臺滕縣嶧縣濟寧衛單縣曹縣鉅野平度州昌邑濰縣等十一州縣衛本年未完地丁錢糧一併緩至明年麥熟後徵收以紓民力該部卽遵諭行

乾隆二十二年六月初二日奉

上諭河南夏邑高邱虞城永城等四縣被災前經降旨將歷年舊欠錢糧銀穀概予豁免其本年應徵錢糧業據該撫題請緩徵但念該地方積年歉收災民實可軫惻應再予加恩此時已屆麥收應降旨將本年地丁寬免其已徵在官者不得均需轉恐下肖胥吏從中弊混著將乾隆二十三年應

徵地丁錢糧加恩蠲免此朕德恤窮黎之意其富家大族田連阡陌者如亦一例還恩是國家曠典徒為若輩附益之資殊非惠鮮本懷著該撫查明田逾十頃以上者不必蠲除倘有田本一家而分給各戶希冀濫邀竊竊即行按例完治該撫其董率屬員實力奉行毋濫毋遺副朕勤求民瘼至意該部即遵諭行

七月初五日奉

上諭前因豫省之歸德等屬被水屢經加賑截漕並令將被災最重之州縣本年應徵漕項折徵一年其不成災被水尚輕者所徵本色米立即截留本省平糶惟是今歲該省被災較重朕心時深矜

念著加恩將各屬成災地畝本年應徵漕項概予豁免其未成災者亦俱緩至明年冬熟後開徵以紓民力再該省河工埽料皆於沿河州縣採買舊例每草十勛為一束官價九釐乾隆四年因歲歉昂貴每束增銀五釐今豫省當積歉之餘採辦恐有不敷著仍照乾隆四年之例增銀五釐俾官民不至墊累該部即遵諭行

十九日奉

上諭今年豫省衝殿及直隸之人各等處驟因水漲鹽鹵漂沒已降旨該鹽政飭商照數補運接濟民食但念秋運現已屆期與補運同時共辦重費工本目下正值催徵引課之時若今依期交納商

力未免拮据若加恩將鹽勸被水各商交該鹽政
查明本年應徵課銀確數分限三年帶徵俾得從
容完繳朕此番加恩原為軫念災黎該商等既蒙
優卹毋得藉口被災加價牟利該鹽政其隨時稽
察用副朕卹商惠民至意此旨並令該撫知之

八月三十日奉

上諭豫省今歲被災較重前經降旨將被災各州
縣應徵漕項地丁銀米分別蠲緩其地本高阜未
經被水者原應照數輸納不在應緩之例但念此
等地畝雖無積水淹浸而與災地毗連收成自屬
較薄民力未免拮据若加恩將該省被水州縣內
分出之未被災地畝本年應徵漕項及地丁銀兩

一體緩至次年春熟後徵收俾小民得以從容完納以示優卹至意該部即遵諭行

九月二十五日奉

上諭今年山東濟寧各屬被水成災所有應徵地丁銀兩業已加恩分別蠲緩而漕糧一項定例仍須照常輸納災黎口食未免拮据朕心深為軫念著加恩將被災較重之濟寧魚臺金鄉館陶武城本年應徵漕糧緩至戊寅年起分作三年帶徵被災次重之滕縣嶧縣鄒縣曹縣單縣濮州范縣臨清恩縣夏津河澤城武冠縣邱縣汶上本年應徵漕糧緩至戊寅年起分作二年帶徵其濟寧魚臺金鄉滕縣嶧縣本年帶徵乾隆二十一年漕糧一

併緩至戊寅年放徵以紓民力該部遵諭速行

二十五日奉

上諭前因東省濟寧等五州縣積水未消曾經降旨將積年民欠銀兩及常年穀石概予豁免其屯軍地畝被災情形與民地相同自宜一體撫卹所有臨清衛坐落濟寧魚臺二州縣境內之屯戶人等未完乾隆二十一年地丁正耗等銀一千四百餘兩及積年借欠倉穀四千九百餘石奏本銀三百餘兩俱著加恩一併蠲免俾災地軍民均霑渥澤該部遵諭速行

二十五日奉

上諭山東濟寧魚臺金鄉滕縣嶧縣等五州縣連

歲被災其積年民欠地丁錢糧常平倉穀俱已加
恩豁免而隨正徵收之耗羨銀兩係備地方公用
向例不在恩蠲之內在被災首黎生計維艱既恐
不能照數完納且正項既已蠲除復徵此時零之
耗羨不肯齊支藉端滋事問問仍不免追呼之擾
若加恩將濟寧等五州縣積年未完耗銀一萬一
百餘兩一概豁免以示體卹災民之至意該部即
遵諭行

十月初五日奉

上諭河東鹽池積年數收本年雨水過多所收鹽
勛不敷配運現在籌酌買運以資接濟民食但各
商資本既經虧壓而買運備脚成本較重所有乾

隆二十二年應封額餘課項著加恩分作三年帶徵以紓高力

十一月十五日奉

上諭江南淮安徐州海州連年被災今年夏秋又復被水其成災地故業經照例分別蠲緩外所有災餘熟田應徵銀米悉屬正供分宜輸納但念該處災困已久熟田亦屬無幾且毗連災地糧價自昂民力同屬拮据所有三屬十七州縣內熟田應徵之項著加恩令該督撫詳悉查明緩至明年秋成後啟徵以紓民力即行出示曉諭毋飽吏胥該部遵諭速行

二十八日奉

上諭山西交城等四十州縣秋成稍覺較薄所有民欠未完常年倉穀雖應徵收運倉但念各該處商販稀少本地所產僅供民食若令依限徵輸閭閻未免拮据著加恩將交城等四十州縣未完二十年分民借八萬九千餘石緩至明年麥熟後交納其本年民借常年倉穀九萬九千餘石緩至明年歲秋成後交納以紓民力該部即遵諭行

乾隆二十三年正月初三日奉

上諭去歲河南衛輝等屬所有官借牛具籽種銀兩例應於今年麥收後徵還但該處災民餬口無資現在尚降旨加賑若照例徵收民力殊為拮据著加恩緩作三年帶徵以紓民力

初四日奉

上諭上年山東被水處所業經屢降恩旨蠲緩賑
卹其鄒滕金魚濟寧沂澤單縣城武曹范蘭郟館
陶恩武臨清等州縣內毗連災地收成較薄之處
所有乾隆二十二年應徵錢糧及二十二十一年
帶徵未完銀兩若照常輸納小民未免拮据著加
恩一體緩至麥收後開徵以紓民力該部即遵諭
行

初六日奉

上諭陝西米脂吳堡清澗綏德郃州洛川延川武
功等八州縣民欠新舊常平倉糧共八萬二千餘
石若照常例徵收緩年此時正屆徵收之期但該

處去歲收成最薄雖勸不成災而閭閻究屬拮据
所有木脂等八州縣應徵一半之常平倉糧四萬
一千餘石若加恩緩至本年秋成後徵收以紓民
力其現在已徵在倉者仍照例入於奏銷不得令
官吏中飽

二月十四日奉

上諭山西交城等四十州縣上年秋收稍歉已降
旨將民欠常平倉穀分別緩徵其借出社倉義倉
穀石雖係民捐例亦官為催納該處商販稀少本
地產穀僅供民食若依限責令運倉小民未免拮
据著將該四十州縣社義二倉借出乾隆二十一
年分穀石緩至今歲麥熟後徵收二十二年分穀

石緩至今歲秋成後徵收以紓民力再此四十州
縣外尚有陽曲太原汾陽渾源應州沁州代州崞
縣等八州縣去秋亦屬歉收所有二十一年二十
二年借出社義二倉穀石亦著照此一體分別緩
徵用示體卹至意

五月十九日奉

上諭豫省上年被災各屬漕項業經加恩蠲免其
勸不成災地畝所有應徵漕項米麥豆石亦俱緩
至今年麥熟後徵收現在二麥雖已登場而米豆
秋成尚須數月若以本色辦納民力未免拮据且
該省連歲積數多留糧石於民間於閭閻口食亦
屬有益著再加恩將乾隆二十二年緩徵漕項米

麥豆石均予折徵以示體卹

九月十五日奉

上諭濟寧魚臺二州縣已涸地畝雖現獲豐收而未涸之地及涸出未及佈種者據該撫奏報尚有二千六百餘頃著加恩將本年應徵錢糧概行緩至明年春熟後開徵以紓民力該部卽遵諭行

十月初二日奉

上諭山西今歲收成至七八分以上不等但夏秋間有雨澤缺少之處雖不成災而秋收較薄朕心甚為軫念如太原汾州平定及大同朔平寧武忻代保所屬之清源榆次等四十二州縣所有舊欠常年社義三倉穀石例應徵運若按限輸納民力

未免拮据著將各州縣屬借欠穀石如乾隆二十
一二十二兩年內均有舊欠者先徵二十一年未
完之項其餘緩至明年冬熟後起徵如止一年者
即於本年先徵舊欠其新借穀石概緩至明年秋
成後起徵以紓民力該撫查明分別妥協辦理該
部即遵諭行

初四日奉

上諭山東上年被水地方積歉之餘雖遇豐收元
氣未能驟復朕心深為軫念所有濟寧魚臺二州
縣上年被淹田畝已涸已種者應徵二十二年緩
徵各項著再予展限二年徵還其帶徵各項分作
三年二年徵還者俱著展限二年至金鄉蘭山鄆

城曹縣單縣館陶武城臨清等八州縣雖被災較輕亦酌量加恩其節年緩徵各項俱著展限一年至分限三年二年帶徵各項亦著展限一年啟徵以示優恤再今春所有借給川木一項亦概著分限二年俾得從容輸納以紓民力該撫其並率屬員悉心實力查辦以副朕加惠民生至意該部即遵諭行

二十四日奉

上諭淮徐海三府州屬頻被水澇雖據該督等奏報今歲大田均有八九分收成但念該處災歉既久甫經豐稔積困未蘇若將歷年欠項同本年銀米一時新舊並徵民力未免拮据著加恩將淮徐

海三府州除二十三年新賦照例全徵外其二十
二年舊糧准先帶徵一半所餘一半同十一年至
二十一年積欠銀米及二十二年借給口糧籽種
均再分作兩年帶徵俾民間輸納寬裕再各屬本
年水退稍遲未種地畝所有應緩錢糧亦著緩至
明年間徵以示優恤旨黎王意該部即遵諭行
御製降旨分別緩徵徐泗等處積欠詩以紀事成
大課疏排始道災惟屋田尚有汗菜登秋合是今
年賦積之難教衆力植此壯催科爾休矣心勞撫
字我同哉義經捐蓋頻觀素留一分餘元氣培

三十日奉

上諭今歲豫省各屬秋成俱獲豐稔所有歷年借

給帶竣及本年應徵各項自應按期起徵但念該省於積穀之後元氣初復現在新凋比故尚加恩借給籽種以資力作若將應徵各項一時輸納民力未免拮据著將上年被有偏災之祥符等六十一州縣所借牛具籽種銀兩緩作三年帶徵者及今年春借常平社倉穀石併遞年借穀應分作二年三年帶徵者均加恩再予展限一年於明歲秋成後按年起徵以紓民力該部即遵諭行

十一月十九日奉

上諭福建福州等府屬之長樂等八縣入秋以來雨澤未能普遍間有歉收之處雖勸不成災濱海貧民生計未免拮据著加恩將福州府屬之長樂

福清泉州府屬之晉江南安惠安同安漳州府屬
之漳浦詔安等八縣數收田畝應徵錢糧五萬二
千餘兩米四千餘石緩至明年麥熟後徵收其上
年數收緩徵應於今年麥熟後徵收者除已完納
外其未經徵收者查明於明年起分作兩年一併
帶徵以紓民力至此內如有實在無力農民著該
地方官於社倉內借給麥本以資力作俟來年秋
收後免息還倉以示加惠濟海貧黎至意該部即
遵諭行

二十日奉

上諭陝省延榆綏三府州屬今歲偶被偏災其成
災地畝業經照例蠲緩及歷年借欠牛具倉穀並

降旨分別豁免帶徵其未經成災收成六分以上之各州縣錢糧倉穀例應照舊徵輸但災地毗連收成歉薄民力未免拮据著加恩將未經成災之神木唐苑保安榆林葭州清澗等處應徵上年舊欠錢糧緩至明年冬熟後徵收其本年應徵錢糧於明秋後起徵至延安府屬之安塞延長延川安定甘泉等縣新陳借欠倉糧著一併緩至明年冬熟秋成之後分別新舊次第徵收以紓民力該部即遵諭行

乾隆二十四年閏六月二十四日奉

上諭晉省太原等屬六月間均沐甘霖久霽農民及時趕種晚禾秋成可望惟是各州縣內有初夏

麥收既歛而得雨之後補種多費工力農民未免
拮据朕心深為軫念若加恩將太原榆次太谷祁
縣徐溝清源交城文水汾陽平遙介休孝義高平
陽城陵川沁水平定壽陽孟縣東平代州繁峙忻
州定襄五臺等二十五州縣本年應徵銀米倉穀
緩至秋後催徵以紓民力該部遵諭速行

十月初一日奉

上諭陝省西安各府屬之咸陽等十州縣今夏得
雨稍遲收成較薄雖於例並不成災而民力不無
竭蹶所有懷遠清澗米脂吳堡四縣本年應徵未
完地丁錢糧草束及帶徵舊欠並常社倉糧籽種
等項俱著加恩緩至明年秋成後徵收其咸陽醴

泉同官韓城商州雒南六州縣新舊民欠錢糧倉
投後至明年冬熟後徵收以紓民力至沿邊之虜
施靖邊保安安塞延長甘泉綏德七州縣所有上
年緩徵新舊錢糧倉穀例應本年徵收但該處連
年收成未能豐稔應加意撫綏以資休養著再加
恩將該州縣除本年照例徵收外其帶徵之錢糧
倉穀再緩一年於明歲冬熟秋成後分別帶徵示
朕優加體恤之意該部遵諭速行

十八日奉

上諭直屬景州一帶地方秋初間有得雨過多之
處瀆水窪地淤積未消地方官以附近田畝通計
分數並不成災所有新舊錢糧未便破格奏請緩

徵但念該處收成既已稍歉生計未免拮据著該督方觀承董率原勛各員於各州縣各村莊內詳細確查將應徵之糧加恩並予停緩又如東鹿寶坻等濱河北故雖勘不成災併著查明一體停緩以示優卹

二十七日奉

上諭浙省杭嘉湖溫等屬秋禾偶被偏災業經降旨令照江蘇之例將本年漕糧不拘一律紅白兼收以紓民力但念該省杭屬之仁和錢塘湖屬之烏程歸安長興德清武原等處有應徵乾隆二十年及二十三年緩漕正耗米七萬一千餘石例應照數徵收本色若於元納本年漕糧外併輸舊漕

地方米石不能寬裕民食未元拮据著該撫查明
此項應徵舊漕加恩准其改徵折色用示軫恤民
艱至意該部遵諭速行

十二月十七日奉

上諭本平江蘇通泰淮三分司所屬鹽場俱被風
潮竈戶生計未免拮据所有泰屬之丁溪小海草
堰劉莊伍祐新興廟灣等七場應納折價著照被
災十分之例豁免十分之七其額剩錢糧分作三
年帶徵至泰屬南五場通屬十場淮屬三場被災
較輕之處亦著將應徵之項分作二年帶徵以示
體卹該部遵諭速行

孚惠全書卷十八

卷十八